


劉
葆
真
太
史
文
集



劉太史

集二卷

宣統庚戌刊



吾州盛時人材輩出前後七子輝映儒林荃孫成童之年則有吳晉王管才叔周韜甫董子中等均以幹略文字馳譽一時聞其風而慕焉迨寇亂入蜀與郡人相隔絕通籍回里首賸費祀懷再遇屠靜三二君爲言二劉之學之才與前人相埒葆良捷于庚寅葆真捷于壬辰然後始與二君相見時葆真入奉新許文肅幕文肅與荃孫有舊每謁文肅必晤葆真意氣旣投金石同嗜過從益密然荃孫年過五十宦境迤邐旣罹永感之戚復深衰落之悲雖有談讌之樂絕無切磋之益惟欽葆真意氣磊落言辭爽朗以爲可張吾軍者莫葆真若也甲午荃孫與掌院徐相不合投劾歸里息影南中甲午之敗繼以戊戌講張爲幻新舊互乘己亥荃孫在金陵與蒯禮卿同辦高等學堂研究中外學術略有領悟未及半年剛相勒停秋閒重至都門又與葆真相見則葆真正爲大學教習荃孫以爲舊學宜保存新學宜增入當由舊學窺新學不宜舍舊而圖新亦不能棄新而守舊與葆真論議相合孰意舊學以爲新而新學又以爲舊不以爲溝通而以爲首鼠側目者眾矣庚子拳匪潛萌徐相獎爲忠義一力主持毒飲虛生不可收拾都城陷沒兩宮西幸而君亦罹其禍嗚呼慘矣

回鑾以後奉

劉人序

旨議卹邸舍長物蕩爲灰燼舊橐笥亦不可問葆良傷君之亡骸骨不返掇拾蓮幕代言之筆瑣院應試之文得數十篇釐爲二卷謀錢諸板藉以傳君嗚呼此何足以傳君哉然李崔文人多存代言之作王黃賦手世傳限韻之篇只論工拙何分人已況如記毘陵驛馬書左文襄書札後諸篇其跡弛不羈之氣溢露於言語之表君之得名以此君之受禍亦以此矣天未悔禍來日大難卽今後死之人亦未知能乞枕席以死否如君得議卹於

本朝猶爲不幸中之幸況乎人心愈靡學術愈下在下幾同狂易之病在上絕無挽救之方而與君同時得名之人死者死老者老後來之秀並無繼起不特我郡天下皆然孔子之道將遂以熄九

原有知恐不知若何憤懣與我輩興學求新之意何其相背至此殊可痛也卽以序君集並以質之葆良宣統庚戌夏五月望江陰繆荃孫序

劉葆真太史遺彙卷上

擬鮑昭舞鶴賦

瑞麥頌

與顧子鵬書

與黃仲弼書

與陳郢聲書

與屠敬山書

舍陳孝威書

與鄭蘇庵書

舍從弟葆良書

舍方鞠裳書 代許奉新

舍左子異書 代許奉新

書楊仲琳規園圖記後 代許奉新

舍陳伯嚴書 代許奉新

劉全上

舍易笏山書 代許奉新

舍孫海岑書 代許奉新

舍王可莊書 代許奉新

再舍孫海岑書 代許奉新

舍俞蔭甫書 代許奉新

舍吳驥雲書 代許奉新

裕園圖題詩序

東園秋眺圖詩序

送怡養源歸涇陽序

放生月會改振鄭州決口留民序

王少伯大學中庸講語記略序 代許奉新

李葆齋詩集序 代許奉新

龍松琴十三經地名韻編今釋序 代許奉新

李文石得湯文正公隨筆記

上元欽天山北極閣記

經上元明故宮記

遊半山寺記

擬鮑照舞鶴賦

昔鮑明遠姿質環異雅負華閭澹於仕進而孝建大明之末如
何讓之輩亦復棲神元遠然巧爲旃飾陽潛陰踔以縻軒蓋故
擬鶴於君子之德而疚其善舞太自矜炫以微諷之仍歸其情
於守馴千齡結悲萬里以明不舞之鶴無所容悅於世因寄所
及音聲爲銷然則侍中之鶴斃斃工於事羊叔子而絀於應客
獨非善寶羽翻不妄璀璨而爲德之貞者乎鶴以舞柔人而不
舞恆其德亦何取乎偏反者爲也敢申昔賢未竟之愔而略變
其構

開府羊公營峴多暇端居息禽不惟吾玩以愔其心羨堯年之仙
語聞遐臯之散音翔崑崙而初迴豈網羅之能尋棲襄陽之奇翼

劉士

二

悅芳翳而滋多平隄剪其晨煙夕圃榮其落華吮長引而不驚羽
漸敢以何娉性馴機之親人益遊情平層霞風盪木末月窺員池
流景漸促幽崖永羈俄緱山之已迴羌溶溪而胡卑志局神奮晴
聳距離今夕何夕長年復年三星在戶孤雲麗天響厲驚沙俯咽
流泉躑躅纍麻東瞰隱山荒燎夜哲霜野曉廓勁繖織展徐振欲
落忽怒颯之稜稜絕黃塵之漠漠翅玄轉蒼頂丹逾灼驟驚雷同
遑冒高閣拏舒鸞騰扶搖鯉躍歛舉旋回頽林若摧側跳丸迅矯
起劍飛遶絃無垠中節猶依不逃而附如環仍歸翳歧駭顧虞淵
恐暮映翻天閭聳脰雲路洩洩若罷踐踐遑步停規抑情縱竄任
趣白霓掣目紫電閃形急奏繁拍引喙翕聲向背伊宛輕剽益橫
不見日杲但集霰密劈風有毛出霧無質驚鴻游龍霍繹窳悉效
情既勸豪志何之忽垂雲之離維傍潭臯而依持殊矜顧而自喜
忽徇徨以有思令其對客則紆軫跛進蒙茸含恥擎趾不揚當筵
卽止甯華亭之相殘非乘軒之可擬不取媚於磻繳或小隱於塵

市羊公無以應客客鳥知禽之志在萬里
瑞麥頌

丙戌四月上元江甯民獻麥穗兩歧總督曾宮保師寢而不奏
蓋鑿於合肥相國直隸瑞麥之請爲邊潤民給事所糾也毅時
適寓瞻園司奉新方伯記室因維中外時局之急晏安之不可
久恃明盛之難保休應之非福依類託寓以爲之頌

峨峨吳都櫺江狂燦番番湘鄉爲犁其巢庸駕賜履表於南郊裨
瀛所瞻躋矣勳高歲陰居亥秉節四紀野謐墟虛膏濡恩瀾政刑
迓和天人協祉時顯沆滂甘露湛泥縉華合合石城之垌嘉穎尊
尊青溪之陰雉隴旭雉鱗原雲蒸聿蔽桐糧屯集筮管鏘霧噴郁
鏦駁橫擠比鄴崇墉填馴闕野中有子秉雙穗其下珠纍駢懸栗
實並柱昔聞武威嶺石化楚太和仁聲蜚英九垓又聞漁洋麥秀
兩歧誘納馴化令聞永垂小民惻惻齊走以告元老蹇蹇謂靜毋
躁興必慮微安不忘剽方今晏警而實縣倒胡彝外耽農衡內竭

劉三

三

決河殫閭伏戎媮息朝嚮武功民無恥色胡云休徵無爲弛職側
聞嘉謨允哉王臣堅冰履霜厝火積薪勿以豐樂遂矜符珍穀賤
妨農敢告倉人

與顧子鵬書

夙聞太夷屢揚清望相距過寫未遂積悃昨始乘霽借經薛廬音
容筆揆未傾肺腑而禪粹之旨略已神折惜厲澤復作歸塗潦橫
厥權中墜然當潭氣上屋益山諸峰挾雨入樹輕飄一過薄寒中
人樓樓袷衣彊欲自雄而亦復氣舊假續之德淡於溫暑惟湘陰
祠址伊邇初欲觀太夷書額徂山始深不意仍左乖合之跡一戚
一怡我勞如何

與黃仲跋書

春明權惊夙荷愛迪惟言笑糅起問學之涯略未請益媿悔何及
會典紛墮從者綜次其目當自可觀而僞言實錄東觀圖縑又半
歸割散臨淵求魚忽壞其罟何殊緣木公家之事自昔已然嘉興

子培深博無涖行又長者以壽上當之如行炎歊中納之叢篠耳
最矻僕疾惜又去之癯風元譚良用寤繫韜夫抑抑女孥之疾儻
未沈頓胥庵卓有門戶其錚錚可佩其悞不可及其諒如也尤可
親竊暱之深比聞攻雲谷者多然當審處之扶而翼焉爲湯益陽
激之使走則張豐潤天旣大其資魄假之精力予以角距擴之以
聞見夫豈其然虛此生而已狂瀾將起殆不可遏挫之非蹶養之
欲也將順其美或冀有成葆良已出都叔頌當踵之蕭蕭秋風行
役實難恐無暇意開封大郡君子所託僕至已一月有塵汙人耳
故國之變濯城爲墟於焉文物衰歇卽河北諸石求之市氓無一
模之者他產可知營營之樊澤雉百飲神何能王聊用相聞耳
與陶郢聲書

郢聲足下故開夕闇鼉更已呖孤鐙閃幽逕投西城綠谿草枯時
驚怪鴉趨墟礫騰偶觸犬吠紆步忽止笛來一聲水竇而南巷黝
如漆馬糞合逕塵高逾腥蝸廬駢莖茨乾欲墜行不百武市喧未

劉全

四

頽崇闔拳雲雄闔燭景度關入語猶明酒樓踟沙潮蒲幸聒榜婦
舟小於屋蜷影輒臥夢沈欲飛如詹故人午暉灼舫瞳視已迴颿
鼓風翻倏踰臨口岸樹自轉枝皆東趨渚塔斜出鐸送西響晡光
半塗丹陽之垆層霞絢銷氣暈抱郭淺水膠帶瀨紫塞檣易舟而
輿戒徂晨發霜情浮野暄澄亭歡旭華隱林離離出霧荒登乍展
聲駢若雷峻坂迅上體纖似葉聚落漸小沈霾忽垂野馬蔽虧雜
沙撲眉飢鷹啾噓側翅攪頂土阜墮落皆作髹色槁楊衰颯惟號
嚴颺長駢馬陵怒雨歛至淋霖卽溼碎如錢大棄蓋而馳步望垣
短狂蹴平戶礙眉始迂嘈答殷塵湫隅亦闕大麓之迷何止七聖
峭谷之避尚多二陵焦牆半故中實以土下則編葦結榻其上偶
一輒側悉窅欲頽烏豚半椽祇闌破石穢味大盜甚以夕炊逆旅
性獐復雨益悞一糲之飽百呼始至時聞瀟瀟橋隙如晦去家百
里行路已難夜不成寐言之愴懷嚴森四更伏枕都盪凌曙挺鞞
塗皆薄冰初噉嶂山半嶺益楮織雲浮空十丈漸微窮麓之陰卽

薄鎮江環堞稍市始通胡市杰開翔紺牛俯崇巖員樓聖膏高矗
煙表鐵縱陽馬排入江風之廊幢拖金蛇彩幻梵雨之闔卵石平
路流塵不飛枯柳槽隄激濤自厲彝服短製脇挺中立圓晴不黃
乃亦鬚冠髮卷欲垂若獸待搏光光越產而役殊俗恥維失張斯
殆其一大秦胡種度我藩圍采入堂奧恣其隱吞利源之涸日爲
所刻力不能培寢戈伺之反附之牙蚩蚩者流謂天泰撫而監育
此浮江西上適後華艦壞舶屹波因以爲屋瀆洞中夜惟逐腥潮
兩三北濠或射漁火滬艦續至晝已三宿薄暝煙合泓流中甸牒
管鶯高尖似鬼泣泄氣以竅遠爲是音機旋輪飛如海鶩鯤東紆
益園鐘警忽作適駢壞船截然不前附梯鱗移以踵相錯地非建
章儼陟千門耀逾迷樓何止十二爛爛影電珠景爛朗裔裔聯榻
眾聲舳嚨避尊而前子峙疏樓復宣鐘警鼓括欵逝破浪菴獵岑
搖若崩長空昏溟星激似矢山脈南絕已丁下關楚音小舟招叩
孤涉月黑江曠艣聲一柔風淒屯嚴柝響互咽曉雁斷淚猶搖寒

灘之蘆游魚跳波忽揚輕翔之夢傳郭日晶入居瞻園承塵流煙
敗櫳欵紙怪石露洞簾糾霧而不青琬池彫陰葉浮水而轉墨自
夏徂冬儻已六月流景之忽追維愀然昕宵一棹進退維旅間出
酬對動致白眼強作嗚噓良乖素忱李蔡爲人僕本下中孟嘗多
才客何能好蚊蟲營日不越階序攀翻翔海尚味見幾寒燠舛時
惟衛道自適索書者夥閉戶拒之互簡敬山略罄鄙概聞卽報我
勿闕遐音

與屠敬山書

敬山足下怒焱乍厲忽復含煦陽祲越潛毋乃非時北城之陰帶
河之旁紆體枕經頤情撫華誰迨之羣而孟於晉幸自嗇蓄無過
勤勵行念中夏鄂刀東旋毅亦以小祥歸奉先祀歛聚里門若戚
若偷屯邇餘生卽勉自繩排而紆軫行作偶接朋舊湖人之笑良
非權中當弱歲曉曉作句讀師臬牢終晝視聽爲曹葉煙炊暝闌
鐙燭夕卽縱絹絕鷺挾錢十百謨一二同志啖菽呂肆傾膠黃壚

雖湫塵礙眉沓席駢肩而豪情生春狂譚落花噴鼻之禪時與相觸蜷息之廬不以爲隘脫憤傲走市叩已闌霜稜沁尖縮厖不溫月郭展朗棲禽時撲街拆四歇林篝一熒徊俚羊歧詭辨蠹迂跳賁晏公之渡摩拳季子之碑蹀躞半山之亭俛仰百花之樓雄襟轉清懷古叢憤陵緬蕪礫流連景光司晨乍號明星欲墜倒地之影摩肱忽散十步之闊餘響猶禽情素若彼曾不數年風盪雲流遽劃肝肺開一絲軌化離之感死喪之戚弔慰交仍朝暘相過未見故轍夜氣沈鬱結侶殆稀魂思潛通形跡外闕偶趨安道忽復回舟居無子魚恍似割席詢轉今昔盛衰乘之後此之恤能無愴懷夫蠖螻好旋積陰羣飛負版致重緣陀百蹶微蝨蠹進銳且不己吾曹靳之怒何勝言然華髮未顛眞氣日渫鼉脊中裂百桴亦燬螭鱗既創一垂不飛忽忽逾壯年精慮沮消條應嘯喘庸自知其不可也足下北汎滄海南蹴庾嶠西南跼夜郎浮汚東還蕃肇萌生人情沈阻能周紆險之智不失雅俗之倫猶結茅謝賓不與

劉八上

六

人通翦韭選夕冀免物件僕則拘墨妨素限局疑遠瑟非常調舟未習馳揖讓未終親若附腑庭直相規動虞失歡引望故園回慮閉轍行自啞笑矧屬勞觀負郭數椽小有泉石晨曦夕煙偃游其中孟蜚之樂當儕左右附詢起居未殫拳拳

倉陳孝威書

孝威足下歲月易得西城之陰舊遊惘惘而從者踴厲天末因風鶩翻丕展令謨毅邁翰諭息隘巷家無儋石之蓄小祥甫輟奉瑞安師愔奔走奉新之右雲泥既隔山川復阻猥荷不棄眷及非才一再渡江蹉然雅音甯敢空谷固閉自外君子之列然沈沈故第雖涉之鄉人尚以夥頤相悞凡聞者中闕主人偃仰於室客趨趨於堂下同負此詬而官民不通之弊以此隅反或亦得之然非惠子言誠然如漆園之寐也伏維林道禪入床問遐宣執法不阿表大漢從事之強持平用中爲秋官掌邦之典規審極邃嘉祥允臻毅少無知能壯益頽爾目匠井埒之細耳熒巴里之俗秦越近

聞已若懸膽中外大勢何能究心豈如吾孝威遠蹠入荒淳照萬
龔閩閩之上諷議皆大幽燕之助神氣彌激者乎時方多虞倭倚
我於東藩俄則絡西北而置學偏東待我之鉅險以入英自西南
海泳及廣州之涖其陸則由印緬而深入藏腹近并欲穿我巴歸
之險試行商輪法但角於龍太開臨而亦得寸則寸滇星復實炎
微益盪當事尤經營鐵軌力籌富強論遠錘徵兵莫此爲利而害
之所中方且十百蟻巢於睫見不滿黍疆果之腹豈能及河洋洋
樞謀逢筆下士烏庸妄測聊如蚍蜉之撼耳元氣隱耗縉紳之士
未耜之亞旅故張其衣食而中實贏敗無百日儲豈惟執事長安
之居氣短而困傳曰無政事則財用不足又曰有財此有用今所
以用者日靡而財之原日罄入方承平而各若有岌岌不終日之
心久安長治其福安在炎歛鑠肌微雨偶過輒爾舍此勉勸光彩
不盡所懷

與鄭蘇庵書

劉全上

七

朔風加厲滬瀕之行毋乃爲勞上元王木齋以足下書勢卷申連
翻墮雲忽復翔起雖子玉組義明遠匠構未竟厥愜介毅夙暱仰
句餘藩將云藻續其室卽代移縹卷二頭區區之忱亮在有察故
宮穆慄前遊若夢然永巷頽址方二百年有贏乃儲軍資陰陽代
萌消息互異昔賢扁爲祕論喪喪雲辭始一張之可悟凡理流景
徂邁將歸武進聊云卒歲鴻濛雲將良覲匪遙

會從弟葆良書

頃寄示南洋聯界圖三紙當係武昌書局所刻指爲舛漏太甚
良然其北洋聯界圖則不如何願船朔方備乘圖之覈而南洋則
於圖臺灣不如姚石甫東槎紀略之詳圖瓊州不如廣東全省圖
之細密圖越南則井不如徐曉山越南圖說之近似大抵東北洋
諸島及臺瓊圖取上海機器局圖割模之更約略其形而越南則
專取申報館所刊圖謬爲連綴者癸未冬申報館始有越南圖其
時滇邊唐鶴笙劉永福駐屯之山西宣光兩省迭陷而桂邊黃桂

蘭趙沃陳朝綱黨敏宣韋和禮分守之三江口瑯球北甯猶完善
申報館之訪事者得由桂邊安抵越南草草鉤圖歸冀以瞽世牟
利其圖中有朗松一名狼戈者卽諒山二字之轉音而是圖列諒
山復列朗松狼戈一誤也鎮南關面西外二十里爲文淵州更六
十里爲諒山省驅驢墟隔諒山城河北王閩青築堅屯於此以護
歸路今圖中鎮南關作面南諒山省更在關之南併文淵州無之
驅驢墟亦不載二誤也由諒山中路出谷松觀音橋長慶府今名
拉木諒江府即今名瑯球卽明志市橋江乾而至北甯凡二百九十
里今圖中北甯諒山相距約二百里而併不列長慶諒江二府與
谷松觀音橋我軍力扼之險三誤也北甯當河內省來路東南六
十餘里爲芹驛關瀕六頭江上爲三江口溯流而上十餘里左河
入月德口經扶朗扶良等社再三十里爲瑯球江在北甯城之東
北距城七八里法副將尼格里亞由河內破北甯卽准此水道守
將黨敏宣先潰韋和禮傷重戰歿班班可考者而圖中北甯水道

劉全

相距太遠明史地志稱安越縣市橋江爲三道入越總匯之路其
下流卽今石天德江右月德江合瑯球江爲三江口者最於北甯
形勢切緊而圖毫不之載四誤也由北甯陸路西南行三十里爲
慈山府更前渡富良江爲河內省矣河內四面阻水其南有湖卽
漢馬新息所謂浪泊西里間今圖河內省反在諒山之西南北甯
之東南而其南亦不圖湖五誤也由諒山西路山徑抵鬼門關有
馬希範銅箭銅柱地形極險廣督奏報作貴門關可取會長慶府
路而圖并此險亦缺之六誤也由歸順州出牧馬充葑蒞波可直
指越太原省而圖中太原省忽閒以朗松狼戈反去牧馬充蒞蒞
波諸府鎮七誤也由俄漕隘二十里至胡潤司更前取僻路向佈
達安賴大嶺翻嶺脊下卽越南之高平省其正路則由鎮安廳出
而圖皆不之核致高平省去鎮安廳遂有三百里之多八誤也高
平省南太原省西有一大湖湖中有上下馬鞍二山湖西有周過
河而圖全無之九誤也由雲南蒙自蓮花灘順流抵越南洮江北

有保勝劉永福曾設關其地徵稅贍軍有臨洮府岑彥帥曾敗法人於此洮江而南有昭晉州文盤州更南有扶安州從無老開新開名者申報動指老開爲劉永福巢窟蓋實保勝之譌然居宣光省之南非緊接滇邊接滇邊者爲老撾非老開而劉永福又無由設屯於此十誤也劉軍前控山西省偏河內而軍癸未冬唐鶴笙接撫篆進關山西無統帥陷法劉軍退屯宣光今名從無有桑臺名者而申報屢言劉軍設險桑臺後又更桑臺爲宣泰蓋卽劉軍築礮臺於宣光之林路徑其先劉固受越山宣提督之職故經營不出此兩省也宣光地通江汪悔翁水經注葉榆鬱水下流圖作宣光江今亦名三歧江甲申十二月彥帥督劉軍圍攻宣光功垂成法將柏里亞救至圍解乙酉春振軍苦搏迭勝卽三歧耳而圖不列宣光本音又不載三歧轉音但訛爲桑臺十一誤也三歧江之南歷瓊崖州枚山州山羅州枚陀州木安州更至不拔縣而爲山西省我軍前敵曾駐此者而圖無山西名十二誤也興化省卽

古多邦城居三歧江之北洮江之南而圖并不知何者爲興化何者爲三歧洮江十三誤也越南北圻與滇桂聯界之諒山高平宣光太原四省多山險與中圻相錯之山西興化河內北甯廣安南定六省多水阻而宣光省之林路徑尤爲河內北甯太原山西興化五省之交衢其安越縣之月德江卽市橋江下流尤爲滇桂出師越南水道之總匯而圖皆一無體會十四誤也毅所閱越南道里之籍有明史地志越南志略徐曉山輯略盛慶絨越南圖說圖則景垣樓越南圖黃弁亭銘軍圖徐曉山越南圖盛慶絨越南圖甲報館越南圖最後則奈激甫電綫總辦勘履越南北圻總圖里至方綾水瀕山險邪徑曲塗無不備載廣督張香濤保關復諒疏移駐提督添設鎮道疏其規畫形勢皆據以爲藍本而按之桂撫潘琴軒查明北甯失守情形疏王閔青布政馳堵諒山上左文襄書無不吻合者惜乎此圖已呈合肥相國而毅先時畱閱幾二十日未經稍一摸之也大抵由廣東欽州天涯驛踰十萬大山西南

行爲越南廣安省更南爲南定省此廣東與越南聯界之區也由廣西龍州正路出百九一里爲越南諒山省由鎮安廳出爲越南高平省由歸順州出爲越南太原省沿邊縣互二千餘里隘所一百零九處分卡六十六處新設太平歸順道統轄之提督將十八營練兵分防之此廣西與越南聯界之區也雲南則添臨沅開化兩鎮戰兵當前敵而由臨沅趨宣光省皆山路瘴癘叢雜不能行故乙酉靈軍以出馬別關運糧難卽改道取廣西歸順州出牧馬來攻太原而不出臨沅由馬別關循洮江南下首則瀕洮江東西之十州次則宣光省稍東矣此雲南與越南聯界之區也今我朝版圖四圍皆與他國接壤日本伺我於東俄羅斯則弔我東北西三面背堅拊之英人垂涎於藏邊至緬甸爲所併而又與雲南騰越廳接固不獨法噬越南之與我滇粵聯界也爲迂遠計者莫如東北則咨取日本使臣圖北洋兵艦巡駛圖朝鮮防軍圖奉吉黑三省邊防圖黑龍江勘界圖東西蒙古六盟圖游牧圖山西口

外纏金防墾圖西則咨取伊犁喀什噶爾南北回疆新設行省詳圖西南則咨取前後藏沿邊圖滇桂戰守越南詳圖滇桂勘界圖東南則咨取瓊州勘黎圖臺灣拒法撫生番圖各於其督撫使臣及各督辦防剿駐墾大臣處務求里至精確水陸標晰徑曲詳密合成四至聯界全圖兼求深明算學者懸綫開方則此圖出而凡讀書有識畱心時事者或亦得所觀覽惜乎當局力能咨取成之者不以毅言爲好事卽以爲讀書之人宜專講時文分心他事無益否則以爲邊疆險要不宜宣僂中外而任此等南北洋聯界輿圖流毒海內鋼蔽人之耳目以先入者爲主後有糾其失者反以爲非此固大不可者也

畚方鞠裳書

代許奉新

辱四月朔日書方蹠踐河上無以爲報頗自愆河事稍定始往復足下之旨不以振禱爲無似欲內諸靳裘先河臣之列勉其所可至而革其橫流以今之時雖靳裘賢者起不爲功況於振禱者哉

然足下卹之深而勸之厚似不可以不畲河之行平陸也其始混
混焉耳有隄者防者縈束者河乃躍乃溢而益加其所謂隄者防
者隘其縈束者若隄若防若縈束趨事之徒日乃汶汶於下計功
在上者位益遠見亦益替如此河烏有治者哉今誠去其替矣而
以爲河之遂混混焉趨於平陸未有若斯其易從者也是仍無以
畲足下之望而比諸靳裘之列也夫布帛菽粟於道不廢也江湖
至樂也治河不能將從足下求所謂至質者於布帛菽粟閒而以
江湖終顧文云乎哉其幸能治則報國之志纒纒而相屬益不能
從事於文又冀足下之獨爲斯文昌之也足下書初至不待相見
其古於文相信已熟況再辱書耶抑吾聞桐城多才其士皆魁閎
寬通徐徐然伏於岷巖于子然不苟進抑抑而自返然則士之傑
莫如桐城而足下尤桐城之士之傑者也霜始降河事未已不果
往濟甯聊一言之振禱再拜

畲左子異書

代許奉新

劉全上

十一

文襄侯建祠江甯土庶愛戴所歸昔年賊布祁門長圍三路狶突
非侯以六千君子援桴擐甲風掃霆擊破李世賢十萬眾於樂平
則嶺防餉路已窒文正師恐懼重險說者謂平江甯之役侯功實
開其始至沅圍師薄雨花臺後非侯從嚮嚴轉戰入浙擊賊四援
之執堅城當不能合圍則侯固大有造於江甯也洎督兩江謳思
在民旂常在國專祠爲 中朝特典奉祀有不故人心泰山本高
遑取細壤之益滄波旣深豈由涓流之歸振禱何人而能致力惟
冀縣樂復奏抗塵出山光昭令謨纘武絕業瑗慶絲竹猶閱東山
之響思遠桑柘益展成都之陰慰秣陵嗚慕之誠尋桐鄉俎豆之
蹟明德有後莫此爲極

書楊仲琳規園圖記後

代許奉新

仲琳觀察旣命唐君光照圖規園復自爲之記曰規者懸斯園而
待時之成者也大瀛海之芒蔥羣生叅叅茵蒸其內日於耳目乎
榮惑慾誠不勝饜必吾聞吾見一一有所據而後已否則以爲拂

吾慾則造物者何能一一斬合吾心之所至況區區娛耳目之細
又萬不必應時而集者也今夫朝廷有大營建將窮天下物力
以成廟寢鉅制煜煜煌煌威示遠人司農授方虞衡度程大郡各
賦材荆揚取竹箭栝柏青徐貢漆枲梁采鏐鐵離朱設繩墨般倅
僂而運斧雲集響應宜若可旦夕葢役然時乎未至則山澤愛寶
而竹箭栝柏漆枲鏐鐵之產或空灌朽腐不中尺度愛人而離
朱般垂之明聰亦絀且遲至十年或百年材與人始更一出則夫
吾民娛耳目之細者安往而可不待時乎哉仲琳之名規園正有
所待也雖然可規以待時之至者獨一園也歎哉

畚陳伯嚴書

代許奉新

自莅吳會疚心滋多以夙負虛譽吏治民瘼未敢愒置乃僚屬鑽
刺無復風誼閭閻顰蹙高難振撥殘投書滿楹皆呢寒蟬閉塵駢市
同涸文具糾督所及嚴一弛百嘘沫之餘潤此嘆彼尚復有昔日
都邑之盛蘭闈喧逐海山饒積如故父老所云者哉道希縱橫恪

劉公上

上

士秀舉皆負才望而奔走衣食庸代惋傷廣廈萬間往復今昔殊
有同慨曩嘗謂尊公風骨峻邁韜略闕裕海內多事必不容東山
絲竹衍游林泉今果詔赴廣東蠅釣之鄉瑋寶之所集疆吏之
所倚畀重以朝廷嚮用之殷其云敷功當未可量振禕爲故人
慰兼爲足下勸庶益策絕學光纘令謨

畚易劬山書

代許奉新

函樓詩詞鈔實兼工部忠讜稼軒孤憤投袂擊庭除爲秋極目
荒原身世何在不圖風人感人之摯且厚也方今政府規畫益務
闕遠置吏又不屑屑事稽覈日以寬大爲得體於是財用汜濫於
上本富末富晉於下民窮則廉恥喪盜賊起而君父之義晦時事
益棘臣工益宜勉求報稱奈何曼衍窮年汪洋詩酒閒來自韜覆
哉昔年喋血夔渝膊尸襄沔巴楚阻域滇黔重徵軍靡所指稜威
遠播何其壯也今絕流河汾躡屐岷蜀一不當意將理亂不聞民
生不顧又何愒也邊釁隱伏方殷未艾而湖湘舊時諸君子零落

殆盡他日以宿望擧上國旗鼓從事島腥橫覽九州誰與易堯卽
今之器識沈閱風槩卓犖能砥柱頽流者巋然靈光亦詎庸輕棄
望貫栖息巖谷誠知吳壤窄隘未足展布什一之才然爲不可屈
以待其伸則國家吏民徐受斯福振禕且不揣鶻鈍謂幸從賢者
後前者唱于繼者和喁不虞執事先以示異也若貪利祿固榮寵
知進而不知退負先文正師之教督則振禕亦不出此也願益勸
精力共籌宏濟幸甚幸甚

倉孫海岑書

代許奉新

開封中州首望縮轂歧選四方過轍於焉觀政而風氣近樸居積
尚厚但勤政以力愛民以誠事上以恭率屬以謹當不扇清問益
闕遠謨昔時廬陵眉山皆以知尹繫士民謳思近年管遼東亦稱
循守博稽往籍樹建名業多在暮歲蓋金石之質經年益固薑桂
之性到老逾辣胡獨專美讓之前賢宜急振華輶星言入洛以慰
民望

劉仁工

三

倉王可莊書

代許奉新

司衡扇溫莠物桐豫緬論道德當益雍容奉揚承明模稜多士蓋
抱爲勞令聞滋庥敬軒明經篤雅有節秀溫可親明德之遺故人
之後揆諸食報不爽在天擬代息轍海門默窺意愜似畏波濤險
阻因改籌書局之役然專政在上祿微人繁徐莫得當卽以相報
昔與廣勇分雖友朋誼感金石切躉之益愛佩未忘今敬軒惠來
快覩英髦益慨朋舊有不竭忱勉副綺望惟江藩瘠薄迴逾他省
移符五月吏治不加修稅人不加贏拳拳五中紆軫無策愧告知
已

再會孫海岑書

代許奉新

再奉書知已安抵懷甯江城依然猶識華表山靈相揖如逢故人
顧念有生此樂何極昔買臣抵會稽里風采都赫震耀耳目今執
事光光名字歷典吳郡大吏計最數上天子偉厥職量遙中州便
道段旋其傾想威儀莫通警欬者亦旣冠焉錯坐輜軒里閭而又

親朋拾權父老話舊何倥遊釣流連景光躡獨秀之峰雲沾裳而不飛登四望之樓月窺牖而忘落幾欲息轍幽岫炳燭華屋則是與皖都士大夫靳聚首之樂而負河洛閒吾民望之深也伏惟邱壘無驚松楸不剪珂鄉晨謝華輶書發入洛之始羣見葉尹下車之初人懷希文標新政於汴垆流英聲於吳會振禪他日者聞風致慕望雲空懷而昔年樸遯豫中政治疏拙莫得左右彌縫闕失又念過江以後因時俛仰似不足當瞻注再三前書所懷略復引緒勸駕之殷當蒙亮鑒

畜俞蔭甫書

代許奉新

展誦教言猥荷獎借至不敢當北海天逸之樽高密講經之室別才朞月庸紆寸衷恭緬饗述開閣杖履嘉勝金閨門畔共震季野之入滄浪亭下羣懷舜欽之居吳中僑寓昔賢道德文章焜耀今古以吾先生衡之奚止方駕振禪過江承乏星又一終行能不修吏治無聞慚對士庶屬望之殷重以黃流奪淮下河卑窪恐遭波

劉八上

十四

墊補救無策適奉童倅治河議卓識通論一擴愚忱昔年全黃北趨上自蘭儀下至安東千里淤沙無復河槽揚埃蔽天深欲沒蹀頽陂削霧下惟編茅瀕洞之流已爲陵岸規復古道當多隔閡童倅身經周勘抒之爲文高下里方夙所究心楷葦葳麻各當厥用籌河之策殆覘其略固知元禮雅鑑本翹龍門梁公藝籠必無馬勃也湖雲暈丹隄草放綠小園弱柳低可礙路茂陵春雨家惟著書益葆令光幸自衛道

畜吳驥雲書

代許奉新

流暑駸邁百日之闕已紆寸忱比奉貺書益感摯愛自念頽莫學殖本薄勳業無就封圻重選樛朽所難恐辜厚望執事奇氣橫鶩雄姿遐矚湖海之士豪同元龍章表之才富擬孔璋方當振翼九迥舒嘯六合東覆岱嶽西躡崑崙乃縛身塵纓潔志樽網影影鏗冶屈以削霧趨趙洪鐘用之嘈響抱關惡宜良用愴懷陳李嘉丞清暎所甄豈有俗吏惟仕途壅闕抽擢無自況專政在上拘攣之

態久在澄懷

裕園圖題詩序

負高郵北郭曲巷不百步叢堞忽亞黃塵不飛瘦甍有情避人入
垣老樹脫葉半出牆外裕園也蜀桑百本襄橘千絡緬襲風軌嘯
吟剌壑搏擲出世網旗旛曼芳節不有哲人邁跡奚存今鷺門夏
先生也庚寅春始艤舸三阿河督許公流連舊懽詠浹晷予時
獨眺隄上西景欲入重湖晚傾漁航乍低綠蒲猗猗泛水不寸白
鷺團團投林乍栖裕園半規隱出隄下攬符金覆軍之所綜謝韓
苦戰之策休養千載喬木蔚蒼蒼名高義俛翼息趺炊煙穿廬直
上墟際橫風無力猶送鐸響以是登陟間遂婆娑景光與時爲降
細壤烏窺而許公來開封河流告晏亦復小拓堂與雜植筱石模
蘭成半弓之隙寄梓澤當年之興晨夕曳手實朋綵坐平臺屬椽
皆成鄒枚大梁羈客時有高李端居多暇永懷清風迺張裕園之
圖迹臥遊之轍詞采精拔巖壑競秀節韻疎逸金鏞盪雲璧社之

劉上

五

波若騰邗溝之柳欵起病鶴三兩側翅礙路飛登十尋緣亭俯瞰
歸颿掠牖清泉沁花萬彙籠象端品類驅靈府豈非谿厓之物會
心各得世德之美因是作歌者哉詩成凡七首集者五人奉新許
公宜春歐陽霽長汀黎承忠義州李葆恂及可毅也

東園秋眺圖詩序

吾夫子奉新許公撫廣州者五月政成人和百物熙熙吏民沐
鬯之風感景物之粹窮紆詭之境恣陵緬之樂將以九月九日登
白雲山而山自城東北隱嶙西趨起爲圓嶂嘉樹蒙密袁垣曲繚
負巖上下濯雨紺碧者曰越秀峰公治適當其少南而東園之阜
與山相望也時則佛桑花瘦桃柳葉飛薄寒中衣初日照檻公亦
夙誠賓從遊乎東園隘巷左旋少長互出虛廊中闋讐笑若禽當
路格格之石故敲屐聲百年陰陰之牆半上苔綠圃拓漸擴蕪柔
益平荒畦百弓任偃三兩之犢廢亭一角忽穿斷續之蛩小闌不
周補以綠莎老榕僵立時礙遊扇有堂隆然北俯方沼羣鳥憩息

之所而談讌之紛集也。蝙蝠驚竄，隔疏綺而塵動；小魚聞語，障萍花而窺人。涉園既周，側趺凌阜，橫籐貫袖，不知野草之名。攀條若絲，轉出坡樹之上。天宇澄曠，風雲霽澈，北望巖岫，凄然傷懷。蕭蕭尉佗之臺，歌舞已歇，冥冥呼鸞之道，警蹕不再。芙蓉空蘊，翁仲之石，跌何在？仲翔故宅，佛庭之鴿，奠一升是皆。乘時奮雄，席捲嶺表，中原板蕩，則北向而爭利。聖王御宇，則稽首而歸化。否亦藉典，午開國之盛，恃士變養士之懿，得以秉鉞殊俗，播宣威稜。高譚易象，睥睨餘子，恆自謂權樂終古，聲施萬世，曾不二千載而搢紳先生莫識其故。宮蕘夫牧豎，得蹂其故寢，豈不痛哉！高春漸斜，暮靄欲合，嵐氣成紫，封寺鐘而不飛，夾衫半黃，雜歸鴉而俱下。從公登阜者，亦請退，乃循故麓，瀾池而東，以萃於堂。晚笳不鳴，鉤月乍上，花田素馨之夢，秋容已杳。籬閒黃菊之影，歸徑尚遙。每當西風，何嘗不眷公。於是醴著競設，臚雜進念，番禺古來之輿阻，有爲之國，則往復形勝，舉觴騰笑，撫流光之已速，盛會之不可再，則又追憶。

劉人上

六

曩游拊髀興歎，以爲昔賢臨泚水而喟息，感涼風而賈涕。大丈夫不遇於時，莫不慷慨長嘯，歛歔泣下。若云座客常滿，便當無憂。吾於湘東有所不類，生平愛嗜，恆在林壑。巨廬日暮，此心往矣。益各形之歌詠，吾當爲之倡。而陳君逸山圖之他日者，歸吾奉新園林。早春泉涓竹長，都故人一冊臥嘯青松之下，醉招白鷗爲侶。使海南山靈不至，笑人往時親故無異，接席不亦可乎？嗟夫，可殺昔從公開藩石城，築宮河上，趾雪蘭山之下，望月盧溝之夕，蒙犯霜霰，跋躡寒暑，報國之志，前後十稔。公誠欲包舉六幕廓清，大瀛竭孤蹇之忠，宣風政之美，假遲暮之力，垂金石之頌，非祇塞薪以爲烈。沈玉以爲功，與諸曹吏討論文簿，倚掖利病而已。此事會屯錯牽策行止，亦嘗哀諸翰墨，發爲音聲，而當時廁坐，眾賢絕迹，千里鳴哀憤乎。秋日以詞賦爲君子，邵公翔翻於漢水，怡君振望於涇陽。黎侯發藻於清河，季子抗風於北地，類能因時感物，卽詩見志。乃數年以來，零落略盡，烹事小吏，無季重之書，可誦河梁，獨夜僅羈。

客之夢一飛雖今者流連海隅耆名蔚至網頰川車杖之彥羅慎陽澄撓之器獎叔重經議之博嘉伯智勵志之勤翁歸以文備見奇叔庠以餅說播美皆與陪奉清晏沐浴元論而觴詠猶是時物則非河曲後游魏文且以爲勞公獨無感於中乎鄰柝漸鏦炳燭已跋酒傾壘而未竭實醜顏而詞譽磔磔栖鳥乍驚青鞵之過離離星光若照技林之影忽朝忽暮何聚何散此山陰所以憂老至秋士亦以起悲而龍山一遊不勝落帽之憾河陽別業欲成思歸之引者也圖旣成從遊者十九人各繫以詩光緒丙申九月九日也

送怡養源歸涇陽序

丁亥四月旣居瞻園之西偏先可毅一月至者涇陽怡先生養源東居中山王樓下午見問武進民生勤惰物產之豐瘠風俗之醇與薄必窮其隱乃已竊以爲士大夫工酬接握手輒作溫語喁喁勞長途疾苦若故舊十年別旣乃交諛其才之美抵掌騰笑華屋

劉上

七

瑟瑟欲動而先生所問者顧出此哉可毅五月歸武進葬先人再至已十月夜分就先生語天寒熾炭面坐酒旣熟則先生飲且語今慶陽府猶存宋時堅寨不可搖南山五郎關據巉巖爲孝義廳門戶關失而孝義可以卷石下商州居萬嶺之窟武關扼其隘貫絡十二連城之右臂且飲指縱橫畫口幾流沫顙赤樓外雪積地尺無聲則又言同治開花縣駱文忠督四川石達開分銳掠南川出境趣貴州桐梓西走仁懷復南毗敘永西北詭馳興文珙慶符高東還陷長甯旋分犯建昌綦江烽燧相望百千里川南吏民謹怨文忠擁符不救但檄故滇督劉靖臣防綦南何勝必蕭慶高防敘南唐友耕防大渡河胡中和防嘉定已達開出甯遠陷入紫打地土司嶺承恩縛以獻吏民又服文忠用兵有先見不爲賊動時宵柝四作先生猶規陳川南奧險可扼駢戮大渡降賊狀縷縷不欲竟戍子二月可毅再因疾歸武進凡四閱月來江甯則先生亦自浙泝流還益爲可毅言嘉興杭州之閒土著屛不振楚民攘

臂耨粗其地眊毗拔刀起鬪呼聲千百應隱患洵伏肘腋而吳淞口漲沙既濬歐默諸州鐵艦可乘潮駛入我礮臺形勢全失江陰小石灣形勢執得矣而北岸劉閩沙礮臺虛懸無奇敵至亦有瑕可蹈又言杭州者特湖山佳勝耳若控帶蒼雄主客力爭以爲強弱固江甯也先生足跡半天下所至必縱覽形勢然後徐究其民生物產風俗以觀此邦之治亂而綜覈之於古其爲志曷嘗須臾忘經世哉今忽悒悵歸涇陽夫豈有所激轉而慕灌園治產之樂哉先生則曰不然吾仍將出關東走漳沁浮長淮絕江登北固之顛南探鄧尉望太湖七十二峰更西策匡廬泛彭蠡益泝漢河入丹水叩荆紫關而歸商南他日能待我於瞻園更與子言遊乎嗚呼先生負經世懷已非走燕西摩晉蜀之險東下洛南入吳越髮鬢髮欲白歸而再出必以其所得施之於世而尚斷斷與可教言遊也

放生月會改振鄭州決口苗民序

劉士

天

傳曰魚禁鯢鮪然漁人之竭澤也鯢鮪數罟之戕物之生者有甚於此哉月鳩金取鯢鮪舍之澤中亦曰遂魚之生已耳今河南沁黃交決盪瀆開歸陳三府屬委流南浸徽之頴壽朝廷一再發戶部帑截江浙冬漕籌振各行省大吏亦懇懇勸輸於諸饒商非以急吾民之生哉民之生孰重於鯢鮪之生朝廷與疆吏爲其大者難者而吾曹就夫力之所能者及已成者而稍變易之則以取鯢鮪之金月輸之河南之民夫豈可已也已也行乎力之所能而已河南民之以此得生不謀也

王少白大學中庸講語記略序

代許奉新

振禕之奉命巡河北也前彰懷衛道陳公右銘故於武涉置致用精舍肄業生額二十翼各以其力汜濫羣籍致諸實用振禕下車求主講席者得少白王先生先生用世才深博無涯涘河北有興革振禕咨先生後行或取成先生則先生排眾議焦神疲思以趨事會犯險不顧期必效果效則眾復額手慶惟先生德督學廖公

巡撫鹿公先後聞先生名於朝奉旨以拔貢賞加內閣中書銜補獲嘉縣教諭獲嘉去武涉不百里辭教諭不獲則往來獲嘉武涉其它郡縣聞風至聽講者十百計額既溢至贏糧自給不樂去晨執經請業夕發問難響應益捷辨詰益蠶起先生亦益潛研心志爲大學中庸講語記略大旨歸明德然後能新民明道然後能行道二語以示致用所原本夫當咸同間中原多故士懷抱一材藪輒奔馳求用當世當世或亦取用先生用世學得要領顧伏處閭巷閒聲稱嘿嘿不一聞何其志之尚歟振禕從先生河北凡四年與言民生疾苦蕉萃則惻然起規所以劑其生者指畫動百千言皆可行之皆效然油然無德色至諷以用世則艷然去然後知先生之志之尚而用世之學之益不輕試也然從精舍遊者他日或卽先生之論緒施之當世見之實事以傳之於不朽則仍先生未竟之用之爲發舒其光業也而振禕於是益歎陳公之置精舍爲誠能致用而吾先生之訓迪夫從遊者其收用益爲無窮

也

劉士

九

李葆齋詩集序

代許奉新

水自楚之桂陽州孤山入吾江右益東經上猶北二十五里之大猶山曰猶水挾山執南注嵐嶂平拱若環揖中益嶽崎聳出天際而水爲山東湍激不可制下會於豫章水口始曰贛而吾李先生葆齋以詩名其間道光朝先生官翰林承平日久四方晏兵革都中士大夫習歌詠方掄揚休美競爲和平樂易之旨而先生意獨激楚不自得慨民生之千古若吏治之敝禍變之已萌芽而不可公言之則發之於詩酣嬉淋漓憤時嫉俗而不顧振禕年入少凡自都下歸者獨喜聞言先生詩旣先生擢御史視學河南以親老歸上猶廣西金田賊果踰嶺東浮湘出沒騎田大庾二嶠間南贛無甯宇先生出提潮勇擊賊大小數十戰賊駭遁弗言功功卒不及則東下佐曾文正幕金革之後物舊凋故期功之戚先後同盡塊然子立仰天寒噤無語益爲詩自抒寫而仍起御史還官京師

遷給事中振禕時則亦官翰林從先生遊六年得覩所以爲詩紆
迴憂悵盤礴而不輕發發則盪林木揚沙石摧山堙谷叱吸叫謔
調調刁刁而不止豈非胸有所結噫氣悶塞久於其內而爲是風
之怒號也哉然是風也起青蘋之末翔翔激水之上徜徉桂椒之
閒將獵蕙草離秦衡以北上玉堂非若堀堞襲門尋常一竇一穴
之于喞而已其所託汪洋無範憂世之心積而惡可已也先生尋
出觀察湖北一不合再棄歸上猶益放於爲詩振禕方自河北累
遷來江南先生急挾一僕走二千里鼓柁東下髮垂垂白淋漓痛
飲寵辱非所屈然終不亡憂世而振禕亦忽忽老矣凡畱十日先
生歸敘詩以貽之他日者登大猶之山平立月巖之顛西南攬飛
鳳諸峰俯瞰猶水幅巾芒屨嘯歌徘徊不輟於其地者非先生也

耶

龍松琴十三經地名韻編今釋序代許泰新

松琴以己丑冬來江甯振禕初讀松琴槐廬集詩以拔有奇氣如

劉八上

三

唐之孟東野夫東野雖以詩顯然爲人伉爽負大志晚參鄭公興
元軍將有所發舒而松琴鬱鬱以農部老卽昌於詩而才之磊砢
不足盡之也松琴足跡半天下所過輒稽城邑命名之始證之以
經凡成十三經地名韻編今釋高贏三寸夫經地名莫夥於尚書
爾雅詩春秋經三傳昔胡氏禹貢錐指焦氏禹貢鄭注釋錢氏爾
雅釋地補注焦氏毛詩地理釋徐氏春秋地理考略江氏春秋地
理考實數子者各極其鉤致之力上下數千年奇壯之識成一書
然皆不能爲詩松琴誣誣斬以詩鳴而又於夏書雍冀荆梁揚五
州求所謂崑崙島夷黑水南海幅幘之寫遠爾雅加陵卽詞陵祝
栗卽涿鹿古字段借之例風詩地名多方音之訛春秋三傳各抵
牾之不同而始覈之於終古不變之山形繼尋夫日徙日遠之江
河卒以人行度求方至里數之定向固非斤羽翼聖經之一得
將綜覽主客要害川原包絡堠堡密積遇其時大有所發舒而不
遇則亦寄之於哀吟而無可能已者也松琴旣益爲詩自娛而振

禕藩江甯且三年行忽忽以老嚮所歷皖燕齊黔秦隴吳洛諸行省車轍偶至輒信宿去無復能詢地名沿革之故於諸父老及古與今之懸絕得失之判以求諸先哲諸載籍中而松琴衷衷以釋經聞他日者有能如興元軍鄭公起東野參其軍事者歟槐廬之峭拔當不止以詩見已

李文石得湯文正公隨筆記

文章之與人相遭其適然者也闖闖之地羶腥之所集馬蹏車載於焉交悟塵土憤起置圭壁其中瓌然獨異於凡物五尺童子能睨視之然或知之者過焉而無所聞再過焉而益他顧若不相謀果何爲者也睢州湯文正公圭璧其文章者也自撫吳及典禮部工部事止爲隨筆一冊白紙寫首載蘇州治沿革之異官田稅重徵之所本次則夏水平王周泰伯吳伍大夫宋韓忠武王廟祀之正次察箭子紅蓮穉穉早白烏口師姑稻航之異名一熟再熟之分錯綜存隱君子韓浹處士顧有孝朱鶴齡之姓氏於陽山吳江

劉全上

三

類撫張文貞汪堯峰陳謫公明公勒公邵戒三儼老魏蔚州先生李子靜胡又弓翁涓公張運青張曼園之論議得失以見諸行事標興化知縣張可立廉吏之目而渾舉吳縣知縣劉滋宜興知縣蔡司霑之名其於水利南則書白茆劉孟三河北則書高堰六減水壩徐州南隄王家山北隄大谷山下河射陽平望德勝喜鵲仇淤溪淥洋廣洋諸湖其入領詹事則恭紀主敬殿講書之儀靈臺郎董漢臣言事起則兩引史記荀子湯禱六事之語翰林院庫勒納劾耿少詹事溺職則四與逸庵書諷其避位而終之以與閣臣余國柱求退一首其潛躍以著決疑否復汜覈之以夢末寫宋五子近思錄第一卷凡四十八葉置之祥符市上余過之者亦屢矣而義州李文石自順天來不一月以百錢得之夫以文正撫吳之廉仁立朝嶽嶽不阿之規蒙艱貞之難章奏之不能宣國史之所未雪私家記錄之所不載千鈞一髮以存之於此筆豈其忠誠無所維護一聽之播棄於煨燼之所獨文石能掇之二百年後寶

其精神不使苟焉以歿夫豈適然者也余於江甯識文正族孫發
柱恂謹善讀書乙酉舉於鄉後之人未始不能世其先業而此隨
筆胡爲而置之祥符市上也或曰林鳳祥之北竄睢州危文正之
裔挾以來祥符或曰祥符之達者假之睢州久不歸而達者之裔
亦替然歟天方欲以文正二百年待暴之孤忠望之文石其相遭
也信非適然者也

上元欽天山北極閣記

自鍾山而西而龍廣而覆舟以盡於故臺城自石城山而北而馬
鞍四望盧龍而直瀆大壯幕府以南盡於明湖中則爲欽天山齊
梁閒名雞籠前明置觀象臺始更今名臺左右列十廟北極閣其
一石磴舊三百級累而上室廬縱橫矚數十里瓦鱗鱗粉黝相錯
煙樹則近出足下若齊其湖流背窪如月水漲則亦熒然如鏡土
人呼高廟卽此咸豐癸丑之變閣盪然矣光緒戊子奉新許公藩
江甯之二載度山程材規觀象臺舊址爲閣閣左立十廟稍出入

劉公上

三

明祀典右祀陶通明先生閣後曰曠觀亭亭出霞表左樓曰望湖
右曰涵虛閣前東西樓倚角相應曰闔風齊雲四樓仍齊梁閒名
也十廟更東隙地構室三日天池小艇其東南隅俯雞鳴寺爲亭
曰橫翠規既定授之侯補知縣姚德鈞董其役凡七閱月閣之役
蕙余乃得以其暇登山之顛與閣之斬然獨絕見夫鍾山石城兩
翼之峰者岫者絡繹而障者湖之渟者波者廬樹之高復下者互
聳競秀晴雨異態盤礴而蒼雄卓然名都晉人過江以來君臣據
形勢之地不思恢拓故業日以增崇臺苑爲佚樂冶城華林園之
隙幾於咫尺陂榭豪宗巨猾眈眈伺肘腋至代有革命而不悟其
歌舞妖冶都赫亭觀談蕩曾不數傳皆淪爲邱墟卽前明觀象臺
且零落殆盡而陶通明之請句曲與十廟之光烈垂千百餘年雖
五尺童子猶知道其故居豈非侈遊觀者境易止而惟功業之係
於人心爲能久存哉後之登斯閣者羣焉而觴詠于于然而和辛
毋徒侈遊觀之末其亦念承平未久土木之舉廢興之相尋與休

息之不可長保也夫幸當承平復遊觀之舊以與都人士同其休
息則固有斯土者之責也
經上元明故宮記

浮雪暮合瞻園益寒捲脊不怡尺素忽至端木叔季招游城東戒
期凌晨撲瘵卽憩簷雀偶噪輒爲顛裳北壁之罅猶聞滄奴西沈
之星已飄蕪鼓強聒陳子中藝若歇隔幕微戛和以履聲疏樞乍
旋曠膺未翼曲袂承睫揉之始揚相與振衣宛過虛廊厲森鈿瓦
洞出林隙微曦隱鳴光曜亭表對橫登寂彫閑無禁奮趼徂北豎
冰積衢氣陰割肌鼻僵欲墮屏息稍展內橋更西遂窅數椽纖埃
不流釳砌四巾繞檻逾亞然汲以竹鼎沸若蚓筍橋端木時亦踵
至幅巾旣叢談辭如雲遠樹漸開蕭索無霧瀟塗流睨積洿沒脛
租驢四頭累蚨千翼酒白盈斗雞甘債盜懸之黔尾揚鞭轉東市
聲已頽半喧擔蔬炊煙不橫孤上檐竹駢塵漸迴鱗原驟拓鍾阜
縣絡其陰插天積霰零密猶沍奇嶂朝暎相激華奪銀海晨風一

劉全上

三

鳴迅攫香嚙瞠目延視若忘跨蹇逕或夷險山爲低昂肩敬欲傾
紆轡始進迂約五里西安之門崇闈中閔坳垣外糾枯籐不青杪
直垂地野籐無葉枝猶顛煙洛陽北門過者下車西安銅駝對之
增歎舍騎而步足虛響會泠泠一曲昔爲御溝導原青溪泛潑見
底上駕窿石壘梁互危紅葉之流已非唐宮碧紗之浣時有越女
中溪而北新祠孤蹲飛鶯雲壘以金碧繚宇耀日綠之膠流黝
鑲池西中有人語洞戶以入嚴颺忽迴登井不圓倒植碎礫抗殿
皆幌儼燭神魄負陽瘦栗鐵謚忠定左景忠壯右練忠肅更東爲
寢影塵幽層櫺縷張奉方忠文靖難之來遜國之初金川霧昏
鬼門波飛宿勳迴戈新列倒版悸魂輸款接踵回響而四公者亮
薄九字貞輝三精斷脰膊支灼體裂胸屠腸榮槩糜骨暴闕蔓及
十族死不一悔何其毅哉纜廡益東莓平漸黃瞳瞳金烏輪慘不
晶有亭翼然壘級之北高岑霞表豐碑中立碑陰氣肅難可逼視
挺石凡四廟虬森蟠飲血及寸暈虹外溢長宏之腑久作碧色淳

于之頸欲飛赤祥廷址於明殿西而下天台新淦正命之所每遇
霖雨殷縷欲濺負壁碑兀丹忱如新湘陰左侯築室其地西棍桂
棟陽馬閭夏東攢芝栢陰蚪曼空寢忠之典曠代斯渥循祠更北
礪墟轉峻柏梁已燼夷爲蕞巢蘭宮轉摧高積馬糞老鵠時磔聲
出灌木村叟抱甕一來菜畦鐘簾不存歌舞何在巋然一角屋瓦
東跛故國永巷實爲靈光穹無居人牆壞似墨西北疊石稠偃峭
嶺白雲悟蹏馬后之臺簾沈水晶髮啼不梳屑印花香屨負無韻
弔古之戚於斯爲極王師南牧當明乙酉廟貌不改別館未頽營
幽曉鋒遠潛潢旆星布崇榭雲屬華觀承平旣久加構彌耀癸丑
窟寇胥淪荒邱青燐夜行蒼狐晝嘯極目所望惟餘圓堞彼離黍
稷同符殷周可勝痛耶是役之經以半山寺陵緬未竟層陀趨北
漸窪易蹶義御當午梵鐘遠來出後安門塗雪益深徊倥睠游更
俟他日

遊半山寺記

劉念上

雷

半山寺者宋王荆公罷相家居之園在朝陽門左旣自後安門出
當折東始達寺許乃徑歧四迤益崎蹇北嚮路狹似綫潦滯不流
旁襟短垣蔬遠逾綠叢樹之杪微露古剝樹盡屋見則名香林楮
牆繚雲磬響時越老衲看日客呼不應永嘉之遊屐齒已迷陰陵
之途陷淖復左卻步旁睠喜來聳音導以東趨尋窪復還松陰遶
霏時窅城半列泉右帶徐窮水源觸石派分數尺卽合人影橫礪
不見衣縷縈前益窄左圍寺門晴雀數聲愕人入檐野羊一頭礙
路作嘯齋魚懸寂誦堂窻窳佛鶴點糞維衛浮沈昔時齊梁宗法
林遠頭陀雜草天女散花樓觀洪紛四百八十丹陽一郡幾成梵
林印度旣衰教亦漸微今之存者十不逮一禪慧攸託無復高軌
層臺累駕麗亦靳之裘廊左旋別有娟室對字蕭曼中明珪除短
碑糾漣黝入廡壁更後狹巷新構三楹濟陽使君旣爲崇基同泰
香城舊本理署重趺少憩遐矚復舉東出寺後崇巖接眉因山而
城市寺三面銅溝背寺其上重溼燕雀一湖水自麓灌沿東以出

當寺西曲迤入御溝下達桃葉淺瀨不斷蓄廢有韻壅土作渡寬
不盈尺磴道陳折鳥盤無痕樹根入雲深附嶽上平眺忽曠卽謝
公墩棋枰已荒誰爲康樂浴生何詠此猶東山安化之亭將同原
煙都護之塌方炙嶂顛百年所闕已成陳迹況在典午過江流風
介甫爭之當非達觀尤而效焉甚有今日名者身網長爲所縞至
如縛爾良足浩歎墩之所臨羣象皆卑峨城殿陰更出墩表鼓屐
蹂進泥黃易膠斜陀迂登蘭碧不蹴甫立平堞風倚似墜倒臥城
闕駸蝕有紋背枕蔣山粉墨剝斑下則紫霞洞流寒泉孝陵緒垣
吳墓佳氣峰回沙鬱精固霧暄左望甌壘卽明故宮虛無人煙蔓
草爲縈朝陽之門丕麗厥中雙闕似浮雄麓以東石襟幕府覆舟
形似北極新閣雞鳴古埭紺宇嵒嶙攢樹莽翳若絕若續羣壑連
襪面則益岫翠微一亭深隱煙際萬家中橫池南諸岡聚寶之闕
機廠四突茗茗聖躄一邱之高方址之細陽夏爲墅臨川爲園時
代嬗異風景亦殊今之來遊已非昔賢後有作者疇與論古延伫

劉上

壹

未已虞淵景徂狂鷲而南壓墩趨注勢若丸走逼溪始止褰裳以
涉鑪火正然芳醪漸温傾作碧色雜坐豪啖飢腸反鳴益雞將彈
山菽續進木蘭一飯鐘異後至香積數里廚方熬炊諧語再騰庭
晷欲淡醜頰出寺跨蹇益昂歸鞭緣城故轍之東環雲轉賴遠上
野燒倦鳥投宿嚶投枯楸崇埔外經明東安門規前正陽石郭偉
峙雉隅轍轍猶韃叢靄通門戶乃遵廣塗

聖清龍飛分旗駐吳燿於粵氛復拾煨燼俾還防所生聚稽俟然
其元氣一創不振大廈譎詭忽閒槿離長干屬延半成荆塹員池
一角少女駢至風裳澹翠柔嬈承舄雲鬢靚飾嬈嬈埃波閼氏之
山豔移江南文姬之駝妝習塞北暝色漸合振策稍駮黃埃選市
惟麟關車紅鐙出簷一閃橋河秦淮小水益邈而西丁簾桁稀喚
渡楫瘖子野山陽已無笛聲獻之雪舟未免興盡隘巷下蹇返顧
各杳瞻園夕歸夢遊如日光緒丁亥季冬二十一日同役者凡四
人江甯端木藩叔蕃潤季重陳光宇御三也

劉葆真太史遺彙卷上

劉公上

美



